

Nuwe Lied Bediening

En Hy het 'n nuwe lied in my mond gegee, 'n lofsang tot eer van onse Elohiem (Ps. 40:4)

E-pos: kontak@nuwelied.info
Webwerf: <http://www.nuwelied.info>

Parashah 43: Masei (מַסְעֵי) – Reistogte

Dit is die reise van die seuns van Yisra'el wat uit Mitzrayim uitgetrek het volgens hulle leërafdelings, onder die leierskap van Moshe en Aharon. Num. 23:1 – PWL.¹

Torah : Num. 33:1 tot 36:13

Haftorah: Jeremia 2:4 tot 28 and 3:4.

Nuwe Verbond: Hebr. 11:13; 1 Peter 2:11; Rom. 8:13; Rom. 13:14; 2 Kor. 5:20; 2 Kor. 7:1; Gal. 5:16 en 17; Efes. 4:1; 2 Tim. 2:22; 1 Pet. 1:7; 1 Pet. 4:2; 1 Joh. 2:15 tot 17; Jak 4:1 tot 12; 2 Kor. 10:3 tot 6; Efes. 6:10 tot 18; Luk. 22:30; Open. 21:12.

Hierdie notas is aanvullend tot die vorige notas vir Parashah 43 wat afgelaai kan word by: [Parashah43Notas14](#).

Life is not the way it's supposed to be. It's the way it is. The way we cope with it is what makes the difference – Anonymous

The past is your lesson and the present is your gift, but the future is your motivation!

Midrash (Torah Bespreking)

Die Einde Van Die Wêreld Het By Ons Aangekom.

Israel het gekom aan die die einde van hulle swerftog deur die wildernis! Dit laat ons dink aan die woorde van Paulus aangaande Israel se swerftog en alles wat gebeur het:

Al hierdie dinge het gebeur as voorbeeld vir ons en is opgeskryf as 'n waarskuwing aan ons, want die einde van die wêreld het by ons aangekom. Van nou af, elkeen wat dink dat hy staan, moet oppas dat hy nie val nie. 1 Kor. 10:11 en 12.

In die lig van wêreldgebeure en Bybelprofesie dui alles daarop dat die einde van die wêreld (eeue) aangebreek het. Soos Israel van ouds staan ons ook op die punt om 'n nuwe fase en tydperk van ons geloofslewe te betree. Is jy en ek gereed daarvoor? Het ons geleer hoe om

¹ Alle teksverwysings is geneem uit PWL Vertaling, behalwe waar anders vermeld. Die PWL Vertaling (Pad van Waarheid tot die Lewe) kan gratis afgelaai word by www.padwlewe.ch, maar is ook nou in gedrukte formaat beskikbaar. Om 'n kopie van die Bybel te bekom kan Gerrie Coetzee per e-pos by padwlewe@yahoo.com of telefonies by 074 361 2134 gekontak word.

die toekoms, wat in vele opsigte onseker is, met vertroue in te stap? Is ons die geslag wat die Hemelse Koninkryk in besit gaan neem.

Soos Israel van ouds is daar 'n deurtog deur 'n 'Jordaanrivier' wat op ons wag. Ons vertroue in YHVH se genade voorsiening in Yeshua gaan getoets word soos nooit van te vore nie! Soos eindtyd gebeure voor ons ontvou moet ons onthou: *Things are not falling apart; they are falling in place.*

'n Baie ou Romeinse slagspreuk is: *If you want peace; prepare for war!* Daarom gaan ons geestelike gereedheid deurslaggewend wees in die tye wat op hande is!

Maar in die kamp van die Messiaanse Beweging is daar verdeeldheid. Die afgelope maande het daar 'n duidelike skeuring plaasgevind en is die Messiaanse Beweging in twee groepe verdeel. Daarom is die punt bereik waar elkeen sekere belangrike keuses sal moet maak, naamlik:

- Elkeen sal moet kies tussen die Levitiese priesterorde en die Melgisédek priesterorde. Dien jy as priester in die orde van Melgisédek waar Yeshua die ewige Hoofpriester is, of wag jy dat die Levitiese priesterorde herstel word sodat daar onder die gesag van 'n aardse hoofpriester en Levitiese priesters weer in die beplande derde tempel die offerandes hervat kan word?
- Tweedens sal elkeen moet kies of die Skrifte van die nuwe verbond deur die Afgesonderde Gees geïnspireer of nie? Diegene wat nie glo dat al die Skrifte van die nuwe verbond – van Mattheus tot Openbaring – ook deur die Afgesonderde Gees geïnspireer is nie, is die rede hoekom daar grootliks vasgehou word aan die Levitiese priesterorde en waarom die priesterorde van Melgisédek as die priesterorde van die nuwe verbond verwerp word.
- Dertens sal elkeen moet kies of daar 'n verskil is tussen die Torah van Moses en die Torah van Yeshua en watter een gevolg gaan word. Diegene wat nie glo dat al die Skrifte van die nuwe verbond – van Mattheus tot Openbaring – ook deur die Afgesonderde Gees geïnspireer is nie, is diegene wat verblind is vir die verskil tussen die Torah van Moses en die Torah van Yeshua Messias!
- Laastens sal elkeen moet kies of die tot standkoming van die staat Israel in 1948 profesie is wat vervul is, of is dit een van die grootste misleidings van die laaste dae? Onthou: Die Koninkryk van die Hemel is 'n Geestelike Koninkryk, terwyl Satan deur die mens werk om sy finale fisiese koninkryk van duisternis op te rig, sodat hy wêreldwyd aanbid kan word.

Hierdie vier keuses gaan elkeen persoonlik beïnvloed in die laaste dae, veral tydens die groot verdrukking! Dit kan bepalend ten opsigte van elkeen se redding wees!

Maar soos Israel van ouds die finale onderrig en instruksies van Moses ontvang het alvorens hulle deur die Jordaan sou trek, en soos dit opgeteken is in Deuteronomium, so is daar vandag nog geleentheid om deur Yeshua, en die Skrifte van die nuwe verbond, onderrig te word alvorens ons deur die 'Jordaan' sal gaan om die Hemelse Koninkryk in besit te neem.

Vir verdere studie oor hierdie onderwerp word ondermeer die volgende aanbeveel:

- **Die Derde Dag Van Lewendmaking En Karmel** deur Ina van Niekerk wat afgelaai kan word by: [DerdeDagLewendmaking](#)
- **The Bigger Picture – The synagogue of Satan** deur Matthew Nolan wat beskikbaar is by: <https://www.torahtothetribes.com/2016/08/the-bigger-picture-the-synagogue-of-satan/> as video.
- **Wie Is Jou Rabbi** wat afgelaai kan word by [WieJouLeermeester](#)

Gebreekte Reënbakke Wat Geen Water Hou Nie.

Die laaste woorde in die boek van Numeri lees soos volg:

Hierdie is die opdragte en die wette wat יהוה die seuns van Yisra'el beveel het deur die hand van Moshe, in die vlaktes van Mo'av by die Yarden oorkant Yerigo. Num. 36:13 – PWL.

Moses het Israel in YHVH se Torah onderrig sodat wanneer hulle Kanaän in besit neem, hulle alles moet toepas wat Moses hulle geleer het.

Dit het Israel een reistog vanaf Raämses na Sukkot geneem om uit Egipte te kom. Die ander 41 reistogte was die pad na Kanaän waartydens Moses vir Israel onderrig het in Torah en waartydens hulle prakties moes leer alvorens hulle Kanaän in besit kon neem. Die 41 reistogte in die wildernis moet dus gesien word as die proses om Egipte uit Israel te kry en uiteindelik totale vryheid in Kanaän deelagtig te wees. Elke reistog kan gesien word as 'n sinnebeeld van 'n beproewing en 'n bevryding om uiteindelik Kanaän in besit te neem.

Wanneer Israel die land Kanaän binnegaan, sal hulle beproef word of hulle geleer het uit al hulle foute en of hulle die Woord (die Torah) van YHVH nougeset en regverdig sal toepas. So word ons ook daagliks getoets of ons YHVH se Torah, soos dit in Yeshua volbring is, nougeset en regverdig in ons alledaagse lewe sal toepas! Daarom het Paulus aan Timotheus hierdie woorde geskryf:

Let op jouself, dat jy jouself volmaak voor God aanbied, as 'n werker wat hom nie hoeft te skaam nie, wat die boodskap van die waarheid reguit verkondig en leë, vrugtelose praatjies vermy, want hulle sal al meer by hulle boosheid byvoeg, hulle wat daarin praat. 2 Tim. 2:15 en 16.

Maar in dieselfde brief herinner Paulus vir Timotheus aan die volgende:

Almal wat kies om in die aanbidding van God, in eenheid met Yeshua, Die Gesalfde Een te leef, word vervolg, maar bese mense en verleiers sal byvoeg by hulle boosheid, soos hulle afdwaal en mislei. Bly jy egter in daardie dinge wat jy geleer het en waarvan jy seker is omdat jy weet van wie jy geleer het en omdat jy van kindsbeen af die afgesonderde Geskifte geleer is wat jou wys kan maak tot die Lewe in die vertrouwe van Yeshua, Die Gesalfde Een. 2 Tim. 3:12 tot 15.

Het Israel gebly by dit wat Moses vir hulle geleer het? Het Israel gebly by dit wat hulle van kindsbeen geleer het, naamlik dat die Skrifte (en hier verwys Paulus na die Tanakh) wat die wysheid gee tot saligheid deur vertrouwe in Messias Yeshua?

Ons weet wat die antwoord hierop is, naamlik dat Israel nie gebly het by dit wat die Skrifte aangaande Die Gesalfde Een leer nie! Nee, Israel het Yeshua verwerp! Dit ten spyte daarvan dat Yeshua vir hulle gesê het:

Moenie dink dat Ek julle by die Vader sal beskuldig nie. Daar is een wat julle beskuldig— Moses op wie julle gehoop het. Maar as julle Moses geglo het, sou julle My glo, want hy het van My geskrywe. Joh. 5:45 en 46.

Daarom is die openingswoorde van hierdie week se Haftorah soos deur die profeet Jesaja gespreek is, op hedendaagse Rabbynse Judaïsme ook van toepassing:

So sê יהוה: “Watter onregverdigheid het julle vaders in My gevind, dat hulle ver van My af weggegaan en agter leegheid aan geloop het en self leeg geword het? Jer. 2:5.

Die lees van hierdie week se Torah en Haftorah is volgens Rabbynse Judaïsme tydens die Drie Weke van Smart (*Three Weeks of Sorrow*), naamlik vanaf die 17e dag van die maand Tammuz², bekend as *Tzom Tammuz* wat by wyse van ‘n vas gedenk word, tot die 9e dag van die maand Av, bekend as *Tisha B’Av* (wat letterlik *die negende van Av* beteken) en ook ‘n vasdag is.

Die Drie Weke van Smart wat op *Tisha B’Av* ‘n hoogtepunt bereik, word as ‘n herinnering van die hartseerste gebeurtenis op die Joodse kalender beskou, want deur die eeue het verskeie rampe vir Israel gedurende hierdie tydperk getref, waarvan die vernietiging van die eerste en die tweede tempel as die hartseerste beskou word.

Maar die hartseer dat Judaïsme vir Yeshua as Messias tydens Sy eerste koms verwerp het, is veel groter as die hartseer van die vernietiging van die tempel in die jaar 70 na Messias!! Die woorde van Jesaja is ook hier van toepassing toe hy profeteer het:

O hemele, wees verstom hieroor, sidder en wees bedroef,” verklaar יהוה, “want My volk het twee booshede gedoen: hulle het My, die Fontein van lewende water, verlaat om vir hulleself reënbakke uit te kap, gebreekte reënbakke wat geen water kan hou nie. Jes. 2:12 en 13.

Rabbynse Judaïsme het Yeshua, die Lewende Water verwerp en drink uit gebreekte reënbakke wat geen water kan hou nie en dus geen dors kan les nie. Daarom sê YHVH:

Jou eie boosheid sal jou reghelp en jou afvalligheid sal jou bestraf; weet dan en sien dat dit boos en bitter is vir jou om יהוה, jou God, te verlaat; My respekvolle vrees is dan nie in jou nie,” verklaar יהוה, God van die leëskare. Jes. 2:19.

Ons moet beseft dat Rabbynse Judaïsme is anti-Messias, naamlik teen Yeshua as die gekruisigde en opgestane Messias! Daarom is dit ook nodig om onself te herinner wat die Apostel Johannes in die verband sê:

Wie is die leuenaar anders, as hy wat ontken dat Yeshua Die Gesalfde Een is? Dit is die vals gesalfdes: hy wat die Vader ontken, ontken ook die Seun. Elkeen wat die Seun ontken, vertrou ook nie in die Vader nie. Wie ook al die Seun bely, bely ook die Vader. 1 Joh. 2:22 en 23.

Rabbynse Judaïsme het hulle eie geregtigheid opgerig en ken nie die geregtigheid van God nie. Dit was in die tyd van Paulus die geval en is steeds vandag so. Soos Paulus kan ons, en behoort ons, ook te sê:

² Hoe kan ons die Christendom kritiseer vir afgodery soos Kersfees en *Easter*, maar ons aanvaar Rabbynse Judaïsme se verering van die afgod Tammuz deur sy naam aan ‘n maand te koppel? *Tammuz: The name of a Phoenician deity, the Adonis of the Greeks. He was originally a Sumerian or Babylonian sun-god, called Dumuzu, the husband of Ishtar, who corresponds to Aphrodite of the Greeks. This custom of weeping for Tammuz is referred to in the Bible in the only passage where the name occurs (Eze. 8:14). Considering the disgraceful and licentious rites with which the cult was celebrated, it is no wonder that Ezekiel should have taken the vision of the women weeping for Tammuz in the temple as one of the greatest abominations that could defile the Holy House.*

Broeders, die verlange van my hart en die gebed wat ek tot God vir Israel doen, is tot hulle redding. Want ek getuig van hulle dat hulle 'n ywer vir God het, maar sonder kennis. Want omdat hulle die geregtigheid van God nie ken nie en hulle eie geregtigheid probeer oprig, het hulle hul aan die geregtigheid van God nie onderwerp nie. Want Die Gesalfde Een is die einde van die wet tot geregtigheid vir elkeen wat glo. Rom. 10:1 tot 4.

Daar sal egter 'n dag kom wanneer Rabbynse Judaïsme se geestelike blindheid genees sal word en hulle sal besef dat hulle vir meer as twee duisend jaar mislei was. Maar eers moet hulle die derde tempel bou en dan sal hulle hul misleiding besef wanneer die Anti-messias in die tempel van God as god sal sit en voorgee dat hy god is (2 Thess. 2:3 tot 5).

So sal die dag kom wanneer Rabbynse Judaïsme die knie sal buig voor Die Gesalfde een van YHVH wat deur hulle voorgeslagte verwerp was. Dan sal hulle die ware Karakter en Outoriteit van Yeshua ken:

Hierdie gesindheid moet in julle wees wat ook in Die Gesalfde Een, Yeshua, is, Hy wat, terwyl Hy die afbeelding van God was, dit geen roof geag het om soos God te wees nie, maar Homself gestroop en die gestalte van 'n slaaf aangeneem het in die vorm van 'n mens en gevind is in die gedaante van 'n man: Hy het Homself verneder en was gehoorsaam tot die dood toe, die dood deur gekruisig te word. God het Hom daarom ook tot die hoogste plek opgelig¹ en aan Hom die Karakter en Outoriteit (naam) gegee wat bo elke karakter en outoriteit (Naam) is sodat elke knie sal buig tot eer van die Karakter en Outoriteit (Naam) wat aan Yeshua gegee is, dié wat in die hemel en dié wat op die aarde en dié wat onder die aarde is en elke tong sal erken dat Yeshua, Die Gesalfde Een, יהוה is, tot eer, lof en aanbidding van God-die-Vader. Fil. 2:5 tot 11 – PWL.

Bepeins of Bespreek

1. Terwyl Rabbynse Judaïsme tydens die Drie Weke van Smart tot die 9 van Av rou oor die tempel wat vernietig is en met verlange uitsien dat die derde tempel binnekort gebou word, moet ons rou oor die se blindheid van Rabbynse Judaïsme en hulle volgelinge. Ons moet voorbidding doen dat talle Jode se oë sal oopgaan voor YHVH se genadetyd verby is!
2. Min besef die volgende:
 - Die Derde Tempel gaan gebou word deur Rabbynse Judaïsme wat Yeshua as Messias verwerp en
 - wat waarskynlik internasionale ondersteuning sal kry van lande, organisasies, kerke en groepe waarvan die meeste Yeshua en YHVH se Torah verwerp.
 - Hierdie is die gees van die Anti-messias, en talle mense gaan mislei word!!
3. Die Levitiese priesterorde wat Rabbynse Judaïsme aanstel, insluitende die hoëpriester, om diens te doen in die derde tempel, verwerp Yeshua! Gaan jy onder hierdie priesterorde dien of onder ons Ewige Hoofpriester Yeshua volgens die orde van Melgisedek?
4. Ons moet besin oor ons Hebreeuse wortels, naamlik waar begin dit en waar eindig dit. In die verband word die artikel wat by die volgende skakel afgelaai kan word aanbeveel: [HebreeuseWortelsHersien](#)

-0-0-0-0-0-0-0-0-

My desire is that if I must suffer, let me not suffer for my own foolishness, but let it be that I suffer for the sake of righteousness.

Chazak! Chazak! Venischazeik!

Wees sterk, wees sterk en mag ons versterk word.

Ontvang YHVH se Woord met welwillendheid, maar ondersoek self die Skrifte of hierdie dinge die waarheid is (Hand. 17:11).

Shalomgroete.

Johan.

Epos: kontak@nuwelielied.info

Webwerf: <http://www.nuwelielied.info>

Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.